



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Iacobi Llobetii Leodiensis E Societate Iesv. Specvlvm
Ecclesiasticorvm, Ac Religiosorvm.**

Llobet de Lanthin, Jacques

Leodii, 1640

Secunda Ratio. Quies, & secessus spiritalis.

[urn:nbn:de:hbz:466:1-47105](#)

pedes inquinabo. Hæc decreta magnæ mentis, hæc quies, hic Sabbathismus.

SECUNDA RATIO.

Quies, & secessus spiritalis.

Alterum ad quod nos tacitè vocat Sabbathum ordinationis nostræ, est otium spiritale, secessus opportunus, & pia dierum aliquot solitudo, ad quam etiam nos ipsa natura, ratio, necessitas, maiorum exempla allicere videntur.

Naturam ipsam eò propendere euincit illud, quod etiam illam amarint Ethnici.

Romanus Orator Tullius non existimauit eum esse liberum, qui huic otio non vacaret, *mibi*, inquietabat, *is liber esse non videtur, qui non aliquando nihil agit*. Eam porrò libertatem ut assequeretur in Tusculanum suum secedere solitus; ut qui Romæ Reipublicæ fuerat, in suo Tusculo suus esset: ita enim scripsit olim. *Moror in Tusculano meo semi-liber.* Nimirum à Reipublicæ curis, ab æstu negotiorum, aliquid de nativa libertate quodammodo decesserat, quod ab illo secessu accedebat.

Ciceronem imitatus Seneca de seipso ita loquitur. *In hoc secessu me recondidi, & fores clausi, ut prodeesse pluribus possem, nullus nisi per otium dies exit, partem noctium studijs vendico, non vaco somno; sed succumbo, & oculos vigilia fatigatos, cadentesque*

78 SPECVLVM ECCLESIASTICORVM,
tesque in opere detineo. Secessi non tantum ab homi-
nibus; sed etiam à rebus, & primum à meis. Postero-
rum negotium ago, illis aliqua, quæ possent prodeesse
conscribo.

Ea Senecæ fuit secessus illius ratio, ut postero-
rum negotium ageret, ut aliqua conscriberet, quæ
possent prodeesse, nobis autem alia longè, potiorque
causa, non enim posteriorum, aut temporis huius
negotium agimus: sed nostrum, sed æternitatis, nec
ea meditamur, aut scribimus, quæ alijs, sed quæ no-
bis seros in annos prodesse possunt. Quæ verò sint
ea disce ex S. Paulino Epistola ad Seuerum sibi fa-
miliarem, quæ ita habet.

Ep. 1. *A foristreputu remotus, ruris otium & Ecclesiæ
cultum placita in secretis domesticis tranquillitate
celebraui, ut paulatim seducto à secularibus turbis
animo, præceptisque cœlestibus accommodato, pro-
cliuius ad contemptum mundi, comitatumque Christi,
iam quasi definitima huic proposito via demigraue-
rim. Hæc sibi secessus illius commoda proposuit
vir sanctus. Primum fuit Ecclesiæ cultus, dum enim
pijs exercitationibus excolitur Präfulum animus,
& Ecclesiam ipsam in præcipuis suis membris ex-
coliest necesse.*

Alterum fuit insignis animi tranquillitas, ut
enim aduerso ventorum impetu turbantur maria,
ijsque tacentibus subsidunt, & conquiescunt. Ita
animus

animus insolente illo negotiorum, forique strepitu concutitur, atque agitatur, coq; sedato, sibi, & tranquillitati redditur; itaque pacato mentis sinu cœlestia præcepta mollius, ac fœlicius excipit, & ad contemptum mundi, Christique comitatum excitatur.

Eandem secessus illius causam habuit, attulitque D. Hieronymus Epistola ad Celantiam. *Ita habeto*, inquit, *solicitudinem domus*, ut aliquam tamen *vacationem animæ tribuas. Eligatur tibi opportunus*, & aliquantulum à familiæ strepitu opportunus locus, *in quem tu velut in portum quasi ex multa tempestate curarum te recipias*, & excitatos foris cogitationum fluctus, secreti tranquillitate componas. *Tantum ibi sit diuinæ lectionis studium*, tam crebræ orationum vices, tam firma, & pressa de futuris cogitatione, ut omnes reliqui temporis occupationes facile hac *vacatione compenses. Nec hoc ideo dicimus*, quo te retrahamus à tuis, imo id agimus, ut ibi discas, ibique mediteris qualem tuis præbere te debeas. Hactenus D. Hieronymus, cum quo sentiunt alij SS. Patres, qui ut hunc secessum, otiumque liberæ mentis amarunt: ita & de eo locuti magnificè; ut non solum exemplo inuitarent, sed etiam verbo.

D. Gregorius Nazianzenus, qui sepius ita secedere solitus, ut scipsum inspiceret, atque exploraret, illam solitariæ mentis exercitationem appellat. *In morbis animi medicinam.*

S. Aper 29.

*Orat. 41.
S. Paulinus Ep.*

S. Aper Tullensis Episcopus, *familiare secretum tacitiruris*, quod etiā ipse piā consuetudine petebat.

D. Paulinus sui æui miraculum, altiore verbo *vſus Cœlestem officinam* vocitabat. Rogatus autem quid in ea officina cudi debeat, respondet. *Inſtru-ctioni ſanctæ vacare, & intendere ſtudijs ſpiritualibus.*
Verbo vno formare in ſe Chriſtum.

D. Leo non à tiara Pontificia tantum, sed à do-
ctrina & vitæ ſanctimonia magnus, ſolitudinem il-
lam inscribere solebat. *Aulam mentis, in qua(mens)*
S. Leo
Ser. 8. de
Ieiunio. *diuinæ vacet ſapientiæ, & omniſtrepitu terrenarum*
ſilente curarum in meditationibus ſanctis, delicijs læ-
tetur æternis.

C. 58. v.
13. Isaias in diuinis ſcripturarum oraculis, otium il-
lud dixit eſſe Sabbathum delicatum: Ad illud te
vocat, imò cogit illa dies qua primum ſacris inſigni-
tus es honoribus; fuit illa Sabbathum, quod vel fo-
lo nomine te quietis illius admoneat.

Erit illa quies, *animi medicina*, vt enim corpus
ipſum lapsu ætatis, ac temporis vitium contrahit,
noxiōſque humores, quos arte medica, opportunif-
que pharmacis euacuari neceſſum eſt: ita & ani-
mus cupiditatum ſuarum ignibus; ſeu febribus æ-
ſtuat, vitiumque patitur.

Ei porrò remedio erit illa ipſa exercitatio, quam
propono, ne eam respue, neve te ab animi robore
& valetudine Nazianzeno firmiorem crede, vſus
ille

ille hac medicina, & tu vtere : erit etiam illa pro secreto familiari, quo arcana mentis iam sparsa colligas, & ad seipsa reuoces. Erit *officina cœlestis*, in qua fingas, & excudas scutum fidei, galeam salutis, gladium spiritus, quo & hostem petas, & omnia eius tela, vel eludas, vel frangas. Erit *officina cœlestis*, in qua ardeat, atque æstuet ignis diuini amoris, à quo deinde Christum in teipso efformes, qui forte à liberiore vita, geluque rigidi pectoris malè fuerat deformatus. Erit *aula mentis* in qua libero pede, liberis, inquam, affectibus ambules, & Deo plenus dæcicijs fruaris æternis. Erit denique *Sabbathum delicatum*, in quo parentur escæ, coquatur panis, in cuius fortitudine ascendas, non dico usque ad montem Dei Oreb, sed ad cælum usque, ad sedem gloriæ, thronum beatitudinis, Sabbathum æternitatis.

TERTIA RATIO.

Sabbatismus, seu annua veneratio primæ consecrationis.

IAm inde à prima huius vniuersi molitione benedixit Deus diei septimo, id est Sabbatho, eumque sanctificauit, id est festum, ac solennem Adamo, posterisque esse voluit, ut sic in ætates longè consequentes abiret memoria creationis, quæ etiam omnino decet diem illum quo primum per manus Pontificias inauguati sumus : ex vero enim in illa

L

die